

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- उपराज्यपाल मनोज सिन्हा होरें अधिकारिं गी निर्देश दिता ऐ जे सुरक्षा ते कनून बवस्था सरबन्धी चुनौतिं कन्नै असरदार ढंगै सिर निब्ड़ेआ जा।
- 2- केंद्री गृह राज्यमंत्री नित्यानंद राय होरें आखेआ ऐ जे जम्मू-कश्मीर पुलसै च महिला कर्मिं दी गिनत्री मसां कोई 6 प्रतिशत दे कोलकाल ऐ।
- 3- मुख्यमंत्री उमर अब्दुल्ला होरें परतिऐ मलाजमत देन, मलाजमें गी अटैच करने, एक्स्टेंशन दा बाद्दू चार्ज देने पर रोक लाने दा निर्देश दिता ऐ।
- 4 मुख सचिव अटल डुल्लू होरें सेहत सेवाएं दे क्षेत्र दू पूरी चाल्ली डिजिटलीकरण पर जोर दिता ऐ।
- 5 ते जम्मू-कश्मीर खेड काउंसल औंदी 6-7 ते 9 तरीक गी जूनियर नेशनल साफ्ट टैनिस् चैंपियनशिप गितै खडारिं दी ताल लेई ट्रायल आयोजित करने जा'रदा ऐ।

<><><><><><>

LG-Security

उपराज्यपाल मनोज सिन्हा होरें पुलस अधिकारिं गी निर्देश दिता ऐ जे ओह जम्मू-कश्मीर च सुरक्षा ते कनून बवस्था सरबन्धी चुनौतिं कन्नै पूरी तगड़ेयाई ते असरदार ढंगै नै निब्बड़डन। कल राजभवन च गृह विभाग दे कम्मकार दा जायजा लैने लेई सददी गेदी इक उच्ची सतह दी बैठक च उनें एह गल्ल आकखी। बैठका च मुख सचिव अटल डुल्लू, गृह विभाग दे प्रधान सचिव चंद्राकर भारती, पुलस महानिदेशक नलिन प्रभात ते डी.जी.पी ते ए.डी.जी.पी रैंक दे होर दुए अधिकारी बी बैठका च मजूद हे। बैठका दौरान एल.जी होरें गी सुरक्षा सरबन्धी अखराजात अमले दी तैनाती, ढांचागत कम्म ते होर दुए महत्वपूर्ण विषयें बारै तफसीली जानकारी दिती जिंदे च जम्मू-कश्मीर पुलस, जेल, होम गार्ड, अग्ग ते इमरजेंसी सेवा, एस.डी.आर.एफ फोरेंसिक साइंस ते गृह विभाग ते एहदे मतैहत होर दुए विभाग शामिल न। मनेज सिन्हा होरें कनून बवस्था ते सुरक्षा सरबन्धी चुनौतिं दा मकाबला करने लेई इनें सब्बने संगठनें दे पूरी चाल्ली आधुनिकीकरण पर जोर भरेआ। उनें SRE ते PMDP तैहत सब्बने परियोजनाएं गी मित्थे गेदे समें दे अंदर-अंदर मुकम्मल करने दा निर्देश दिता।

<><><><><><>

Women Police

जम्मू-कश्मीर पुलसै च महिलाएं दी शमूलियत शड़ी कोई 6 प्रतिशत दे कोलकाल ऐ जेड़ी जे गृह मंत्रालय आसेआ बार-बार जोर दिते जाने आहले महिलाएं दे 33 प्रतिशत दे आरक्षण दे साब्बै बड़ी माड़ी स्थिति च ऐ।

एह जानकारी केंद्री गृह राज्यमंत्री नित्यानंद राय होरें कल लोकसभा च बक्ख-बक्ख राज्यें ते केंद्र शासित प्रदेशें दे पुलस बलें च महिलाएं दी गिनतरी बारे पुच्छे गेदे इक सोआलै दे परते च दिती। उनें दस्सेआ जे जम्मू-कश्मीर पुलस दे पुलस अनुसंधान ब्यूरो आसेआ तैयार कीते गेदे आंकड़े मूजब जम्मू-कश्मीर पुलस च सिविल, जिला आर्म्ड रिजर्व, आई.आर.बी ते आर्म्ड पुलस गी रलाइयै कुल 4 जहार 370 महिला पुलसकर्मी न। जिसलै जे केंद्र शासित प्रदेश लद्दाख च एह गिनतरी 1 जनवरी 2023 तगर दे आंकड़े मूजब शड़ी 777 ऐ। जम्मू-कश्मीर पुलसै दी वेबसाइट मूजब जम्मू-कश्मीर पुलस बल च कर्मिं दी कुल गिनतरी 83 जहार ऐ जिस साबबै महिलाएं दी मजूदगी शड़ी 6 प्रतिशत दे कोलकाल बनदी ऐ।

<><><><><><>

CM-GAD

मुख्यमंत्री उमर अब्दुल्ला होरें परतिए मलाजमत देने, एक्सटेंशन देने, अटैच करने ते बाद्दू चार्ज दिते जाने पर रोक लाने दा निर्देश दिता ऐ। कल आम प्रशासनिक विभाग दी कारकरदगी दी समीक्षा करदे होई उनें एह गल्ल आक्खी। इस दौरान उमर अब्दुल्ला होरें जम्मू-कश्मीर लोक सेवा आयोग, जम्मू-कश्मीर सर्विस सलैक्शन बोर्ड दिं प्रमोशनें, काडर प्रबंधन, सिखलाई, तबादले ते होरनें प्रशासनिक मामलें सरबन्धी बक्ख-बक्ख पैहलुएं पर सोच-विचार ते तफसीली जानकारी हासल कीती। कम्मै गी तरतीब देना यकीनी बनाने लेई मुख्यमंत्री होरें एह निर्देश जारी कीते। उनें सेहत ते मेडिकल शिक्षा ते शिक्षा विभाग च मलाजमें दी अटैचमेंट दी चेचे तौरा पर जांच ते जायजा करने दा निर्देश दिता। उनें कश्मीर विस्थापिते लेई पी.एम पैकेज तैहत लाए गेदे मलाजमें दी स्थिति ते उंदी कारकरदगी दे बारें च बी जानकारी हासल कीती। एहदे अलावा एसआरओ-43 ते 2022 बरें आहली जम्मू-कश्मीर पुनर्वास स्कीम दे कन्नोकन्नी I.A.S ते J&KAS सरबन्धी मामलें दी बी समीक्षा कीती।

<><><><><><>

Navy-Day

अज्ज नौसेना दिवस मनाया जा'रदा ऐ। भारतीय नौसेना दी भूमिका ते उपलब्धियें गी मान्यता देने आस्तै हर बरे 4 दिसंबर गी एह दिवस मनाया जंदा ऐ। बरे 1970 च अज्जै दे दिन आपरेशन ट्राइडेंट दौरान भारतीय नौसेना नै PNS खैबर सने पाकिस्तान दे 4 पोत डोब्बी दिते हे। इस अभियान च सैकड़ां बद्दे पाकिस्तानी नौसेना कर्मी मारे गए हे।

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू औंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बड्डलै साइडे 9 बजे, 30एं मिंटें दा इक विशेष कार्यक्रम प्रसारत कीता जाहग जेहदे च क्षेत्रीय समाचार एकांश

दी भूमिका, जिम्मेवारिएं ते कम्म करने दे तौर-तरीकें दे अलावा, इत्थे कम्म करी चुके दे अधिकारिएं कन्नै गल्लबाट बी शामिल होग। एहदे अलावा संझा 7 बजे बी 15 मिंटें दा इक विशेष कार्यक्रम प्रसारत कीता जाग जेड़ा इस मौके पर स्टाइ शेताएं ते जम्मू-कश्मीर दिएं नामवर हस्तिएं आसेआ भेजी जा'रदिएं शुभ कामनाएं पर आधारित होडन।

आकाशवाणी दे स्थापना दिवस दे सरबंधें च अपने बदाई सनेह च साहडे श्रोता डा. परवीन योगराज होरें आखेआ

अपने कर्मिएं दी हौसला-अफजाई लेई, ऐकती स्थापना दिवस दे मौके पर उनें'गी सम्मानित बी कीता जाहग जिंदे च 2024 ब'रे दे बेहतरीन समाचार सम्पादक, डोगरी ते गोजरी दे बेहतरीन समाचार वाचक ते अनुवादक, बेहतरीन जिला संवाददाता ते जनरल स्टाफ श्रेणी च बेहतरीन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैहयोग ते जोगदान देने आहलें गी बी सम्मानित कीता जाहग। आकाशवाणी दे स्थापना दिवस दे सरबंधें च साबका गोजरी समाचार वाचक ते अनुवादक मुनशी खान चौधरी होरें आखेआ

<><><><><><>

CS-Health

मुख्य सचिव अटल डुल्लू होरें सेहत ते मेडिकल शिक्षा मैहकमे दे कम्मकाज दा इक बैठक दौरान जायजा लैता। इस दौरान आयुश्मान भारत डिजिटल मिशन तैहत कीते गेदे कम्में कारवाइएं ते प्रबंधें दी बी समीक्षा कीती गेई तां जे लोडमंदें गी एहदे तैहत सेवा सखल्ले ते सुचारू ढंगे सिर उपलब्ध होन। मुख्य सचिव होरें मैहकमे दे अधिकारिएं गी आखेआ जे ओह आयुश्मान भारत डिजिटल मिशन तैहत लोके गी बेहतर सेवा उपलब्ध करोआन। उनें सेहत रिकार्ड गी डिजिटाइज करने पर जोर पाया तां जे इंदी सुरक्षा ते संरक्षण सखल्ले होई सकें। उनें आयुश्मान भारत डिजिटल मिशन दे लाह बारें लोके च जागरूकता फैलाने लेई एस.एम.एस भेजने लेई बी हिदायतां कीतियां।

<><><><><><>

JKRTC-DA

जम्मू-कश्मीर शिड़क यातायात कारपोरेशन नै यातायात सरबंधी मंत्री सतीश शर्मा हुंदी मंजूरी मगरा 20 फीसद डी.ए अपने पक्के मलाजमें लेई जारी कीता ऐ। मंत्री होरें कर्मचारिएं दी सराहना करदे होई आखेआ जे JKRTC प्रबंधन ते कर्मचारी हर समें कम्म करदे न तां जे यात्रिएं गी यात्रा दौरान सुखद अनुभव होई सकें ते उंदी यात्रा रमानदायक होऐ। JKRTC दे कर्मचारिएं यातायात मंत्री हुंदा इस गेंs लेई आभार जताया ऐ।

<><><><><><>

Water-Bodies

उधमपुर दियां डिप्टी कमिशनर सलोनी राय होरें म्युनिसिपल कौंसल उधमपुर, म्युनिसिपल कमेटी रामनगर ते चनैनी च पानी दे स्रोतें गी नमें सिरेआ सौआरने आहले कम्मै दा जायजा लैता। बैठक दौरान मुख करी ध्यान पानी दे इनें स्रोतें दे संरक्षण ते उंदे रख-रखाव पर दिता गेआ। डिप्टी कमिशनर होरें बक्ख-बक्ख सरबन्धी धड़ें दी इस भेठा तवज्जो पर जोर पाया। उनें मुतल्लका अधिकारिणें गी पानी आहली इकाइए ते स्रोतें दा व्यापक सर्वे करोआने लेई आखेआ। उनें सब्बनं गी किट्ठे रलिए कम्म करने पर जोर पाया तां जे कारगर ढंग्गै सिर सारे जत्तनं दी अमलावरी होई सकै।

<><><><><><>

Khelo-India

खेलो इंडिया प्रोग्राम दा विचार ते मकसद ऐ युवाएं तगर पुज्जना ते उंदी समर्थ च बाददा करना तां जे ओह भविष्य च भारत दी नुमायंदगी करी सकन। इसै सिलसिले दे तैहत रामबन च जम्मू-कश्मीर स्पोर्ट्स कौंसल आसेआ केई कार्यक्रम रम्भे गए न। पिछले 3 बरे च कौंसल नै जिले च 5 लौहके खेलो इंडिया केंद्र कायम कीते गए न। गूल च 2 खेलो इंडिया केंद्र कायम कीते गए न ते बनिहाल च 3 केंद्र उपलब्ध न। खेलो इंडिया स्कीम गी लोकप्रियता हासिल होई ऐ ते कई सारे युवाएं अपने आपा गी खेड गतिविधिं कन्नै जोड़ेआ ऐ। जम्मू-कश्मीर खेड कौंसल दे कार्यकारी अधिकारी माजिद यूसफ होरें आखेआ।

<><><><><><>

Sports Council

जम्मू-कश्मीर खेड कौंसल औंदी जूनियर नेशनल साफ्ट टेनिस प्रतियोगिता 2024-25 गितै खडारिणें दी ताल लेई ओपन ट्रायल्स दा सरिस्ता करा रदा ऐ। एह प्रतियोगिता पंजाब च होग। अधिसूचना मूजब डिविजन सतह दे ट्रायल 6 दिसंबर गी श्रीनगर दे राजबाग आहले स्टेडियम च कश्मीर खिते दे खडारिणें लेई होंगन ते जम्मू खिते दे खडारिणें लेई ट्रायल 7 दिसंबर गी एम.ए स्टेडियम जम्मू च होंगन। इसै चाल्ली केंद्र सतह दे ट्रायल 9 दिसंबर गी एम.ए स्टेडियम जम्मू च होंगन।

<><><><><><>